



*Kamis, 09 Januari 2025*  
**Ogen: 2 Timotius 3:16**



**Pustaka Si Badia Rehna I Bas Dibata Nari**



Lit istilah ngatakenca maka "buku adalah jendela dunia." Arah buku sidatken me berita-berita kerna doni enda. Si eteh uga kecibal negara sideban, la terjeng si e arah buku e sidatken me pemeteah si mabai kita nggeluh i bas kepentaren. Penungkunenna i bas jaman tehnologi internet, perkembangan jaman si mabai kita lanai terjeng baca buku tapi ngidah langsung kerna kecibal kegeluhen; pedas kita ndatken berita, minter si idah situasi ras pedas ndatken pemeteah, payo denga nge perlu buku bagi si ituriken ndai?

Pustaka Si Badia e me sada buku kumpulan 66 kitab si ibagi bas dua bagin; Padan Si Ndekah ras Padan Si Mbaru. Tujun Kitab-kitab enda ituliskan gelah si idah perbahanen-perbahanen Dibata si mbelin lako engkelengi manusia. Arah Pustaka e pe kita banci erlajar kerna orat ngeluh. Secara khusus i bas paksa teneng wari enda. Paulus mereken persinget man Timotius gelah tetap ngoge Pustaka Si Badia. Memang kitik-kitik nari Timotius enggo iajari, ilatih guna setia i bas ngoge Pustaka. Ituriken Paulus maka Pustaka e rehna i bas Dibata nari. Dibata make manusia jadi aronNa guna banci nuliskan Pustaka, i bas penulisenana erdahin Kesah Si Badia seh maka tek kita kata-kata Pustaka e tuhu-tuhu jadi erkiteken Dibata. Kai kin ngaruhna man banta adi rusur ngoge Pustaka e nandangi kegeluhen? Sipemena; Pustaka Si Badia penting kal ioge ras ipake bas kegeluhen sepenjang masa, sabap erguna ngajari kita uga kin si ngena ate Dibata, sipeduaken; mandang perbahanen si lepak, Kata Dibata e jine si erbelas i bas pusuhta kerna perbahanen si lepak si ilakoken kita. Sipetelukan, mpekena si salah dinging jadi kata penjemba ngeluh reh ulina. Ertina Kata Dibata e mabai geluhta reh ngasupna ncidahken kekelengen sada ras sidebanna. Konfesi GBKP ngakui kerna si enda kerina. Siogelah bukutanta enda alu tutus dinging setia

☞ *"Pustaka Si Badia jadi kompas kegeluhen"*

